

www.BibleForChildren.org

उत्पत्ति 3



आदम न आपसी घोरवाळी क नाव हेवा
पाड्यो; काहकी जोतरा मानसे जीवतला छे हेनु
सब क मुलमाता हुयी होयी।



योहोवा भगवान जतरा जंगली जोनवारीयान
क बोनायो हुतो, हेनु सब मा घोड़सो धुर्त हुतो;
हुयो बाई सी कयो, काय छाचीन छे कि
परमेश्वर न कयो, तुमु इनी वाड़ी क काहना
झाड़ोन फोव नी खानो



... बाई न घोड़सा सी
कोहि, इनी वाड़ी क झाड़
क फोव हामु खाय सोकजे;
बाकु जो झाड़ वाड़ी क वीच मा
छे, तेना फोव क वारा मा परमेश्वर कोवले छे कि नी ते तुमु
ओको खाजे आरु नी ओको छिमजो नी ते तुमु मोर जासु ती
घोड़सो न बायोर सी कयो, तुमु छाचीन नी मोरसु
बाखुन परमेश्वर जाने की जेने दाहड़े
तुमु हेरो फोव खासु तेने दाहड़े
तुमरा डुळा उगड़ी जासे, आरु तुमु
वारु भुण्डा क गियान जोड़से
ती परमेश्वर जोसा होय जासु ...



... एने: जोत्यार बायर न देखी की हेना झाड़ क फोव खाने मा वारु, आरु देखने मा मनभाऊ, आरु ओकोल आपने क लिय ओसो वी छे, ती होयी हेनाम सी तुड़ीन खादी; आरु आपसा घोरवाळा क वी आपी, जु हेरे सात मा हुतो; आरु हुयो वी खादो। ती हेनु दुयो क डुळा उगड़ी गोया, आरु ओको मालुम होयो कि हुये नांगा छे; ओतरान कोरिन हुये अंजीर क पान्टा जुड़ जुड़ीन छिन्दरा बोनाय लेदा।





ती योहोवा
परमेश्वर न आयडीन
आदम सी पुछ्यो, “तु काँ छे?” हुयो कयो,
“हांव तारा बुले वाड़ी मा सोमळीन बिह गोयु, काहकी हांव नांगु होतु;
एकालिय डुकाय गोयु।” योहोवा परमेश्वर न कयो, “कुन तुसे बताड्यो
की तु नांगु छे? जेना झाड़ क फोव खाने क हांव तुसे मोना कोर्यु
होतु, काय तु हेरो फोव खादलु छे?”



आदम न कयो, “जेनी बायर क तु मारे पुठी रोहने क आपलो छे
होयी हेना झाड़ क फोव मेसे आपी, आरु हांव खादु।”
ती योहोवा परमेश्वर न बायर सी कयो, “तु यो कोरली छे?”
बायर न कोहि, घोड़सो न मेसे बोहकाड़ देदो, ती हांव
खादी ति योहोवा परमेश्वर न घोड़सा सी कयो,
“तु जो यो काम कोरलु छे ओतरान कोरिन तु
आखा घरोन दुरोक, आरु आखा जोंगली दुरो
सी जादा शापित छे;”



“... तु पेटोल भुरसे जालीस, आरु जीवन भोरीन धुळु चाटतु रोहीस; आरु हांव तारे आरु एनी बायोर क वीच मा, आरु तारा ओवलियाद आरु ओकी ओवलियाद क विच मा घाडाय पोयदा कोरीस, हुयो तारो मुनका क कुचनी नाखसे, आरु तु एरी पाय पाटली क चावीस।”





ओतरान कोरिन योहोवा परमेश्वर न ओको अदन
क वाडी मासी निकाळ देदो कि हियो हेना जागा
पोर किरसानी कोरे जेनामा सी
त्यो बोनावलो गोयो हुतो।



ओतरान कोरिन आदम क हुयो निकाळ देदो आरु
जिवन क झाड़ क वाट क पेहरो देने क लिय अदन
क वाड़ी क उगेवनो भिनी करुबो क, आरु
च्यारु मेर फिरनेवाळा आगठा जोसो
तलवार क वी नेवाड़ कोर देदो।




जब आदम आपसी घोरवाळी हेवा क पास गोयो ती होयी भारेपाये होईन केन क जन्म आपी आरु कोयु, “हांवने योहोवा क सहायता सी एक पुर्य क जनम देदो छे।” ओळतेन हुयी ओका भाई हाबील क वी जन्म देदी, हाबिल ते गाडरा बुकडा क गुळाळया बोन गोया, बाखुन केन भुमी क खेती कोरनेवाळो किरसान बोन्यो।



थुड़ाक दाहड़ा क वाद केन योहोवा क पास कोळी क उपज मा सी काहीन भेंट ली आयु आरु हाबील वी आपसा गाडरा बुकड़ा क काई एक पेहली पयदावारीन पीलान क भेंट चोढावने ली आयो आरु ओकी चोरबी भेंट चोड़ाया; ती योहोवा न हाबिल आरु ओकी भेंट क ते ग्रहण कोर्यो, बाखुन केन आरु ओकी भेंट क हुयो कबुल नी कोर्यो। ति केन बेस रिसवाय गोयु, आरु ओका मुयो पोर उदासी छाय गोय।



ती केन न आपसा भाईस हाबील सी काहीन कोयो; आरु जब हुये
खोयडा मा हुता, ती केन न आपसा भाईस पोर होमलु कोरीन मार
देदो।



ति योहोवा न केन सी पुछ्यो, “तारु भाई हाबील काँ छे?” हुयो कोयो,
“मालुम नी; काय हांव आपसा भाई क राखवायु छे?” ति केन योहोवा
क ओगोळ सी निकोळी गोयु आरु नोद नावोन देश मा, जे अदन क
उगेवनो भिनी छे, रोहने लाग्यु।



आरु आदम आपसी घोरवाळी क पास ओळी गोयो; आरु ओको एक पुर्या
क जन्म देदो आरु ओको नावयो कोहीन शेत पाड्योकि परमेश्वर न मारे
लिय हाबील क बोदले, जेनाक केन मार्यो हुतो,
एक आरु ओवलियाद आप्यो आरु शेत क वी एक पुर्य
पोयदा हुयो आरु ओको नाव एनोश पाड्यो। तेने टेमे
सी मानशे योहोवा सी विनता कोरने लाग्या।



आरु शेत क पोयदा होयने क बाद आदम आठ सोव साल जिवतलो रोयो, आरु ओका आरु वी पुर्या पुरायटा पोयदा होया। ओस कोरीन आदम क आखा मेविन नोव सोव साल क हुयो, तेवाद हुयो मोर गोयो।



योहोवा न देख्यो कि मानुसक बुराय कोळी पोर बोढ
गयली छे, आरु ओका मन क विचार मा जो काइ
पोयदा होये चो घोनोस भुण्डो होये छे। ती
योहोवा न कयो, “हांव मानुसक जेनुक हांव
बोनवलु छे कोळी पोर सी मिटाइ दिस; ...”



“... काय मानुस, काय दुरे, काय रेंगनेवाळा जिवे,
काय वादळा क चिल्ला, सब काई मिटाय दिस,
काहकी हांव हेनुक बोनावने सी पोछतायो।”



बाखुन योहोवा क गिन क निगाह नुह पोर बोनी रोही।
आरु नुह सी शेम, आरु हाम, आरु येपेत नावोन तीन पुर्या
पोयदा हुया।



काहकि यहोवा-भगवान जगत साथे ओसलो
मोंग राखे कि उका आपनो एकखुळीयो पोच्य
आप दिदो, ताकि उका पर जु कुन विश्वास करे
त्यो नष्ट नी हुयो, पुन अमरकाय
जीवन जडसे।



रोमियो 3:23 एरकरीन कि सब पाप करला छे आरू यहोवा-भगवानन महिमा छे,

रोमियो 6:23 काहकि पापन दाहाड़की ते मृत्यु छे, पुन यहोवा-भगवानन वरदान हामरा पोरबु मसीह ईशु मा अमरकाय जीवन छे।

इब्रानियों 9:27 आरू जोसो मानुस क करता एक बार मरना आरू अतरान करीन बाद न्याय क हुयने नियुक्त छे।

इफिसियो 2:8,9 काहकि विश्वास न लारे दया सी तुमरो छुटकारो होयलों छे, आरू यो तुमरे तरफ रयन नीहि, पर यहोवा भगवान क दान छे; आरू नी कामो क कारण, ओसो नी हुयो कि कोय डाहळाय करे

रोमियो 10:9,10 कि यदि तु आपना मुय रईन ईशु क पोरबु जानीन अंगीकर करे आरू आपने मन रईन विश्वास करे, कि यहोवा-भगवान उको मरलाम रईन जीवाड़े, ते तुखे नक्कि उधदार जुड़से। विश्वास करने से आपनु यहोवा-भगवान क साथे सही संबंध मा आवता छे, ते विश्वास करने से खुद मुय करीन कोतारलीन छुटकारो जुड़तो छे।



यहुन्ना 3:16,17 “काहकि यहोवा-भगवान जगत साथे ओसलो मोंग राखे
कि उका आपनो एकखुळीयो पोच्य आप दिदो, ताकि उका पर जु कुन
विश्वास करे त्यो नष्ट नी हुयो, पुन अमरकाय जीवन जड़से।
यहोवा-भगवान आपसा पोच्या काजे इनान करता नी मोकल्यु कि जगत पर
दण्डन हुकुम दे, पुन इनान करता कि जगत ओको व्दारा उध्दार जड़से।

1 यहुन्ना 5:11-13 आरू वो गवा यो छे कि यहोवा-भगवान ने हामु
अमरकाय जीवन आप्य छे, आरू यो जीवन ओका पोच्या मा छे।
ओका साथे पोच्य छे, ओका साथे जीवन छे; आरू ओका साथे
यहोवा-भगवान क पोच्य नी, ओका साथे जीवन भी नी छे।
हाव ने तुमू जो यहोवा-भगवान क पोच्या क नाव पर विश्वास करता होय,
एरकरीन लिख्या छे कि तुमू जानु कि अमरकाय जीवन तुमरो छे।



उत्पत्ति 3 – 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Dhankavi Bible (dhn) © The Word for the World International
and Dhankavi Mandli, Khargon, Raykhed, Nandurbar,
Maharashtra 2025

<https://www.bible.com/en-GB/bible/4055/MAT.1.DII25>

©2026 Bible for Children, Inc.

www.M1914.org

www.bibleforchildren.org

